

ERA CRASTA

Numerò 10 · deseme 2001

Impresi sense adreça

An Nau, Moneda naua

D amb er inici der an nau, toti es espanhòus mos traparam damb ua nauetat, er ÈURO.

Aguesta serà era moneda qu'a compdar der 1 de gèr s'utilizarà en toti es païsi que formen part dera comunitat europèa, ara, quan anem entà França ja non mos calerà cambiar moneda, senon que poderam pagar damb es èuros qu'utilizaram cada dia, e tanben se vam entà Alemanha, Austria, Belgica, Finlàndia, Grècia, Païsi Baishi, Irlanda, Itàlia, Luxemborg, Portugal etc.

Era naua moneda aurà ua cara comuna en toti es païsi e era auta serà diferenta entà cada país.

Es monedes seràn d'un e dus, e d'un, dus, cinc, dètz, vint e cinquanta cèntims.

Es bilhets seràn de cinc, dètz, vint, cinquanta, cent, dus-cents e cinc-cents

Era equivalència aproximada en pts ei:

MONEDES		BILHETS	
1 cèntim	1,7 pts	5 èuros	832pts
2 cèntims	3,3 pts	10 èuros	1.664pts
5 cèntims	8 pts.	20 èuros	2.328pts
10 cèntims	17 pts	50 èuros	8.319pts
20 cèntims	33 pts	100 èuros	16.639pts
50 cèntims	83 pts	200 èuros	33.277 pts
1 èuro	166pts	500 èuros	83.193 pts
2 èuros	333pts		

S	U	M	A	R	I
					1
				An Nau Moneda naua	
				Militares	
					2
				Inauguracion dera	
				Biblioteca	
					3
				Nau enluminat enes carrèrs	
					4
				Era Nòsta Gent	
				Agenda	

Militares

E r Ajuntament de Vielha negòcie un possible convèni damb era *Gerencia de Infraestructura y equipamiento de la Defensa del Ministerio de Defensa*, tanhent ara finca a on ei plaçat eth quartèr dera Compañia de Escaladores e Esquiadores. Er objectiu d'aguest convèni ei, per part der Ajuntament, obtier terren que permete dotar ath Municipi d'equipaments publics.

Er Ajuntament, en pròplèu Plen Municipau, aprovarà era declaracion d'interès sociau deth Desvolopament Urbanistic d'aguest sector damb er objècte d'arténher un gran espaci urban centrau destinat a sistèms publics coma : centre de congrèsi. parcatges, parcs, etc.

Un còp adquirit eth terren, er Ajuntament redactarà ua modificacion puntuau des normes subsidiàries e un Plan Parciau que serie er ensturment de planejament qu'establièrie era edificabilitat e era denistat, que se poderie portar a tèrme en aguest sector.

Damb aguest convèni, tanben i a prevista era sollicitut de cession d'un tròç de terren entà entà possibilitar era dubertura d'un nau viau, que posteriorament comunicarie damb eth Solan.

Inauguracion dera Bibliotèca

Eth passat dia 25 de noveme inaugurèrem era naua bibliotèca Generau de Vielha, damb era preséncia der Auble. Conselhèr dera Generalitat de Catalunya, sr. Jordi Vilajoana, que signèc en libre d'aunor der Ajuntament de Vielha - Mijaran.

Força sigueren es vesins de Vielha e de d'auti pòbles que i vengueren, e coneisheren es naues installacions d'aguesta bibliotèca.

Senon venguís entara inauguracion, non ac dubtes, passa

pera Bibliotèca. I pòs vier a liéger libres, revistes, eth diari, condes entàs mainatges, a veir pellicules de vidèu, a escotar musica, a conetè-te en internet, a passar trabalhs a ordenador, etc.

Tanben se profitèc entà signar un convèni damb eth CIRDOC (Centre de desenvolopament dera lengua occitana) per miei deth quau era Bibliotèca Generau de Vielha compdarà damb fòrça materiau en lengua occitana.



Fotos: VAL COLOR

Nau enlumenat enes carrèrs





Un an mès arriben es Hèste de Nadau, que toti damb mès o mens alegria demoram. Entà uns seràn dies de vacances e descans, entà d'auti seràn dies de fôrça trabalh.

Er Ajuntament, contunhant damb era sua campanha de melhorar era imatge de Vielha, e de collaboracion damb es comercants, a acceptat era prepausa des comerciants dera Avda. Pas d'Arró, entà mèter lums de Nadau naues en aquest carrèr, atau coma en carrèr

Castèth, ena entrada de Vielha pera Avda. Alcalde Calbetó, e en carrèr Espitau, atau coma melhorar es deth passeig.

Coma dejà s'a hèt en carrèr Major, Passeig, Avda. Castièro, Ctra de Gausac, etc, era mitat dera quantitat la pagaràn es comercants des carrèrs e era auta er Ajuntament.

Se vòs guarnir eth tòr carrèr, e as ua prepausa a hèr, non ac dubtes, presentà-la en Ajuntament e sajaram de qu'entar an que veng eth tòr carrèr tanben age lums naues.



Era Nòsta Gent

Volem qu'aguesta publicacion non sigue sonque entà grani, senon que tanben i pogue auer part entàs mès joeni, (e s'es vòsti mainatges son petiti, donques les ac podetz lièger vosati) per aquerò e profitant es Hèstes de Nadau, aué dedicaram aguesta seccion dera Nòsta Gent a un grop de personas que son es mags dera illusion. Gent que sonque vien un còp ar an, mès que mos pòrten fòrça causes bones, sustot as mès petits. Parlam des REIS D'ORIENT.

REIS D'ORIENT, son magics e per tant, saben tot cò que passe en mon. Quini mainatges an estat bravi e quini non, quini an estudiant e quini non son massa boni estudiants, quini diden mentides e se pelegen damb es sòns amics, quini non hèn cas ara sua mare o ath sòn pare e se pòrten malament en casa, etc, etc... ac saben tot.



De ben segur que toti auratz premanit e enviat era carta entà demanà-les cò que voletz que vos pòrten, mès a viatges non vos pòrten tot cò qu'auetz demanat, e non ei perquè sigatz mès o mens bravi, senon perquè i a fòrça mainatges en mon, que vòlen, colors e libretes entà aprèner a pintar a lièger e a escriuer, e que coma son fòrça praubi es sòns pairs non les ac pòden comprar, per aquerò les ac demanen as Reis, e per tant cau repartir es presents entre toti es mainatges deth mon.

Enguan sabem que vien cargadi de presents entà toti, mès tanben sabem qu'an ua lista fòrça longa de mainatges e mainades as quaus les an portat un shinhau de carbon.

Es REI D'ORIENT, arribaràn eth dia 5 de gèr ena tarde, se les vòs anar a demorar, puja entàth pòble de Gausac a compdar des 17,00 or, dera tarde, i aurà ua chicolatada ena Sala deth pòble, entà toti es mainatges e mainades que i anetz e aqui demoram a qu'arriben es Reis deth sòn long viatge. E dempús de saludà-les baisharam toti entà Vielha, a on parlaràn des deth balcón der Ajuntament e mos ensenharan era lista de nòms a on i son es bravi e es non tant bravi. Dempús anaram entath cine, a on se repartiràn es mochets entà toti es que volgatz anà-les a veir.

Mès calerà que vo'n anetez a sopar e a dormir lèu, entà qu'atau poguen passar pes vòstes cases a deishà-vos es presents, e sustot calerà que vos comencetz a portar ben, entà qu'er an que veng pogatz demanar fòrça causes.

A G E N D A

Dies 20 i 21 de deseme, celebracion en otèl Tuca de Betren, deth FORUM FIRAL, ENTÀ UA GESTION FIRAU RENAUDA.

Deth 28 de deseme ath 4 de gèr, ena Sala Polivalenta de Vielha, se celebrarà ua naua edicion dera Fira ANTIC VIELHA, a on se i pòt comprar tota classa d'objèctes antics. Er orari de dubertura serà de : 11,00 or. enquias 21,00 or.

Dia 31 de deseme, Campanades de Cap d'An ena Plaça dera Glèisa de Vielha.

Dia 5 de gèr, Cavalcada de Reis en Vielha. A compdar des 18,30 ores començarà era Cavalcada de Reis, pes carrèrs de Vielha, mès s'es vòsti mainatges vòlen acompanyà-les en sòn recorregut podetz anar a demorà-les an Gausac, a on i aurà ua chicolatada entà toti es mainatges e mainades, a compdar des 16,00 ores.

NÒTA: Se vòs participar en ERA CRASTA, ac pòs her en tot envià-mos era tua collaboracion ja sigue per corrèu ara adrèça AJUNTAMENT DE VIELHA c/ Sarriulèra 2, 25530 VIELHA, ben per Fax ath numerò 973 64 05 37 o ben per corrèu electronic, e-mail: ayuvielha@aranweb.com